


BAKURUBASANNI

(nimor 12 songo)

Mali kono = Dōrome 300

Afiri ki kono = Dōrome 600

Jamana were = Dōrome 1000



Fewuruyekalo san 1999

Kunnafoniseben bota kalo o kalo. BP: 24 Telefoni : 21-21-04. Bozola Bamako-Mali. San 26nan boko 325nan A songo : dōrome 15


Bamako lajeba jamana politikiko kan

K'a damine san 1999, zanwiyekalo tile 21 na fo ka t'a bila a tile 29 na, Mali hakilifalen ni pogonsonhakilila lajeba dōkera jamana politikiko kan, «Pale De Kongere» la.

Kunben in dayeléli n'a kunce gintaw nemogoya tun be Mali ministiri jekulu kuntigi Ibarahimi Bubakari KEYITA bolo. Tōnsigi insankorotara nijamana politikiton 45 ka ciden yamarualenw y'a kene kan, ka fara mog'o gansanw kan ani foroba baarakelaw ni goferenaman minisiriw bēe lajelen, minnu ye laje in nebila baaraw ke an ka jamana maraw bēe kono. Kameruni ni Kanada ni lamerikenjamana «USA» ni Faransi ni Madagasikarini Senegalini Suwisi jamana ka cidenw fana nana Bamako pogonyeba in na.

Politikiko siratige la, lajekelaw y'u hakili jagabó jamana taabolo seben nafamabaw kan, n'o ye : Sariyasunba ni woteko sariya ni pariti politikiw tawanikunnafonidiko sariya ni politikiton minnunifanga kōdonnen don nogon ma, olu ka kan ka sawura min ta u ka kewalew senfs.

Tōnsigilaw y'a jira ko jekulu min ka baara nesinnen don wotekow



Kunben in dayeléli n'a kunce gintaw nemogoya tun be Mali ministiri jekulu kuntigi Ibarahimi Bubakari KEYITA bolo

nénaboli ma, n'a bē wele ko «SENI», k'o ka ketaw ka kan ka dantigé kokura ani k'a mogow sigi kura ye.

O kadara kono, u k'u sago ye «SENI» k'iwaso don wotesébenkow ségeségelei la, jamana maraw minisiriso bēna minnu laben ani wotekow nemogoya n'u jatemine kōlosili. O la, maraw minisiriso ka baara fanba bēna nesin wotekow labenni ma sira bēe kan, wariko fara minenku kan. Tōnsigilaw ka jinita dōfana ye wotesében dilanni ye, i n'a fo bugunnatigesében cogoya la, walasa o mog'o kelen doron ka se k'i magoje a la. O ye wale ye, min bē se ka camah bo woteko nanbara la.

U ko fana ko politikiton ka kan ni foroba musakaw ye, bawo u ka baara

y'u ka tondenw (jamanadenw) ladamuni ye ani k'u bilasira, walasa u ka se k'u fasodenya baaraw ke konuman.

Ohukumu kono,

hake kelen ka di paritiw bēe ma, wote bē ke san min na; nénawoloma ni danfara si kana k'o la.

Nka santowla, paritipolitikiw labaarali nafolo kasabi bē tila fila ye : politikiton minnu ka tonden sorolenw mana caya kosebe depitewoteko ni mériwoteko temennenw senfs, olu ka nafolo kasabi ka lawere ka ben n'u ka se soroli ye.

Tila filanan nafolo kasabi bē di politikiton tōw ma, ka ben n'olu fana ka se hake ye. Naniya minnu tara fasoka hakilifalen ni pogonsonhakilila lajeba senfs jamana politikiko kan, Mali goferenaman bē k'olu laje ji nemajolen na bi, o k'o k'a fela d'u kan.

Basiriki TURE

Minisiri jekulu ka Kayi bɔñogɔnna taama

San 1999, fewuruyekalo tile 8, Mali minisiri kulu kuntigi Ibarahima Bubakari KEYITA y'a ka taama kuncé Kayi mara kono.

Mali minisiriw ka nɔmɔgɔ y'a jira k'a ka taama in tun ye bɔñogɔnna ni bolodin̄gɔnma taama ye jamana denw fan fɛ, sanko minnu yɔrɔ ka janfaabala, walasa k'uhaminankow dɔn ani ka feerew dabali nɔgonfɛ u hajuw tiimeli koñuman na. Kumanogɔnya ninnuma dancikelaw ni baganmaralaw ni bololabaarakelaw ni gadonmusow dɔrɔn ma, Kayi baarakela faamuyalenw ni mɔgɔ kalannen wrew tun b'a kene kan.

Ibarahima Bubakari KEYITA y'a nɛn don goferenaman ka walew nɔnabɔcogo ni nɔgon cɛ, walasa bɛe k'ita n'i bila dɔn, k'i donyɔrɔ n'i boyɔrɔ dɔn, k'i ka ketaw dɔn faso joli walew la.

A ye dugu fɔlɔ minnu laje, o ye Jɛma ni ñoro ni Yelimane ye, tungafetaa no nɔlen don kosebe minnu kɔñomɔgɔ bolo, k'o sababu bɔuka yɔrɔw gelyaw la an'ulasɔrolu degun, minkelen don k'a duguninnu bila kelennasigi la, k'u ka soro ni hadamadenya walew nagi kosebe. O temenen ko, su ni tile binkannikelaw bɛe ko jugu la nin sahelyanfan dugu ninnu kono.


Kerefe jamanaw mɔgɔw bən'u ka baganw soñe, ka mɔgɔw bɔne u ni na; ji saniyalen tɛ soro u fɛ k'u mago nɔ; sanjidese ye sumanko gelya kosebe.

Ajirala ko Jɛma suman sɔrɔlen hake kera tɔni 27.339 ye ninan, k'a soro salon ta tun ye tɔni 36.806 ye. Ñoro suman sɔrɔlen kera tɔni 30.000 ni ko

ye. Yelimane ta jiginna fo ka na tɔni 6000 la.

Minisiri jekulu kuntigi Ibarahima Bubakari KEYITA y'a ka nisɔngoya jira dugu kofolen saba ninnu kɔñomɔgɔw la lənpo ni wusuruw ni nisɔngɔ werew sarabaliya kɔson; o minye fasodennumanya taamaseere fɔlɔ ye. Soro ni hadamadenya walew feni o fen k'er'u bara, o bɛe kera tokajɛ ye, u si te mɔgɔ nimisi wasa. A jirala ko ñoro dugu de bɛe u bɛe kɔ o faso baara la.

Minisiri jekulu y'a ka jore jira a ni baarakela faamuyalenw ka sigikakuma senfɛ, dugu kofolen ninnu



Kayi Ndi pɔn

keli kominiw ye, minnu ka kan k'u yere kunkow bɛe nɔnabo. A ko ni dugu ninnu m'ujja ulaban bɛe fijɛ bila an ka forobafanga la, min b'a nini jamanadenw bɛe fɛ, u k'ujeniyɔrɔ fin, k'u seko damajira bɛe kɛ, faso ka netaa ni yiriwali baaraw bɛe la.

Gelya were minnu bɛe dugu ninnu kono, negejuruntanya b'o la, ka fara Telewison jaw ni arajo kumakanw ntanya kan. Ibarahima Bubakari KEYITA ye layidu dɔta Kayimara bɛe ye, n'o ye mɔbili 11 dili y'u ma ka binkannikelaw kɛle, ka Kayi mara lakana. Walasa ka Kayikaw bo kelennasigi la, Faransi lasigiden Kirisican KONAN mintun bɛe taama in na, o ye Kayi ni Yelimane siraba dilanni piki nɛfolɔ di, siraba min bəna

dilan ni Faransi ka dɛmɛ ye. Siraba in bəna dilan kenyereye ciyakɛda min fɛ, o bɛ wele ko : «SATOMU». A nafolo kasabi ye sefawari miliyari 7,5 ye, Sarati mindir'u ma o ye kalo 20 ye.

Yelimane kofɛ, Ibarahima Bubakari KEYITA n'a ka jama y'i kunda Kayi dugu kan. U taar'u ne da Kayi Ndi pɔn kura kan, min janya ye metɛre 600 ye, n'a kɔñona ye metɛre 11 ye. Pɔn in baara to te bɛre ye.

Min ye negesira ye, a jirala ko nin y'o san 70 ye, a b'a cogo la. O de kɔson, a bəna lakuraya, k'o baaraw damine ni yɔrɔ tipɛnen baw ye, i n'a fo Kayi ni Mayina cɛ.

Mali minisiri jekulu y'a ka taama laban ni Kita dugu ye. Sira min ka kan ka dilan Kita ni Kati cɛ, a yere y'o piki nɛfolɔ di. O sira mana ban, samiye fara tilema kan, taama təna kɔtige bilen Bamako ni Kita ni Manantali ni Bafulabe cɛ. Kita ni Kati sira jɔyɔrɔ bəna bonya kosebe Bamako ni Dakaro lasɔrolia nɔgoya la ani teliya la, A bəna ke sababu ye fana k'an ka jamana dayele kɔgoji kan. O sira bəna dilan ni Alimajni ka dɛmɛ ye, o de kɔson o piki nɛfolɔ dili kera Alimajni lasigiden Karili PERENZI nena. A janya ye km 162 ye; a labaarali nafolo kasabi ye sefawari miliyari 8 ye. Ibarahima Bubakari KEYITA ka taama in tun sankɔrɔtal en don n'a baarakɛnɔgɔn caman y'a kerefɛ, i n'a fo : dugumakalanko minisiri Adama SAMASEKU; taransipɔrikow minisiri Ibarahimi SIBI; lakananikow minisiri Mohamed Saliya SOKONA; kiirkow minisiri Hamidu JABATE ni Kayi mara gofereneri Ibarahimi JALO.

B. KAMARA
Basiriki TURE.

«AMAP» ka laadala bilasirali tɔnsigi

San 1999, fewuruyekalo tile 22, Mali kunnafonisəben ciyakédaba «AMAP» y'a ka laadala laje 9 nan kε, kunnafonikow minisiri Madamu Asikofare Ulematu TANBURA ka nəməgoya kono.

Minisiri ye foli bila «AMAP» bilasira jekulu məgəw ma, minnu ma to kō, n'u y'u naniya jira sanga ni waati bəe, k'ujeniyorofin «AMAP»

bilasirali la ni feere nənamaw ni laadilikan numanw ye.

«AMAP» musakakow fəsəfəsəra san 1998 munə kono fo ka na se san kalo laban desanburukalo ma. O jatemine y'a jira ko nafolo sorota min tun bolodara k'a kε sefawari 1.078.588.174 ma, o la kasabi min sera ka ladon «AMAP» fe, o kera sefawari 1.062.408.196 ye. "AMAP" kunnafo ciyakēda yerekun tun ye nafolo kasabi min sərəli boloda n'a ma kε ni goferenaman ni yeleke wərewka dəməye, otun yesefawari 696.971.174 ye; nka «AMAP» ka waati kofolen jurukaninen taar'i jo sefawari 537.746.879 la.

Kolosili bora fen damadəw kan, i n'a fo : magobatigw ka fenw mankutuli dəgoyali arajo la ani televison mankutulilajoliwaatininkono. Minisiri y'a nini «AMAP» fe o kadara kono, a ka hakilina ni feere kuraw dabali minnu bə se ka magobatigw wele, ka dəmə don u ma u bolofənwganseli la.

Ja minnu bə nərə kogow ni panow kan dugu kono ani kunnafonisəben "LESORI" ka sərə, ka fara "KUPUDAFIRIKI" ni "KUPUDIMONDI" 1998 ka dəməw kan, minisiri Ulematu TANBURA k'o walew kera nimisi wasako ye, bawo o kera sababu ye ka tənəba ladon «AMAP» kun, an tun sigilen



tə ni min ye. A jirala ko «AMAP» ni «ORTM» (arajo-mali) ka bolodijəgənma baaraw nafa cayara

sijə fila n'a sərə ləkika bolodalenw ye. Lajekelaw jenna ni san 1999 musaka bolodalenw ye, minnu kasabi ye sefawari 1.117.187.000 ye; o b'i n'a fo 3 ni ko farala kəmə o kəmə kan ni san 1998 ta ye.

San 2000 nata kono, «AMAP» y'a naniya sirka dəfara a ka kunnafonidi cəsirijala kan. A y'o layidu ta a bilasirali jekulu məgəw ye, k'a b'a fe ka gafe kərenkərennen də dilan Mali ka horonya dijəlabo san 40 kan, n'o bəna wele ko : «Mali 2000». O kəre fe, a b'a fe ka kunnafoniko sira də waga bə goferenaman ye.

Basiriki TURE

Ko bəe n'a waati

Mali kunnafonisəben ciyakēda «AMAP» baarakela naani bolo bora baara la ninan san 1999, zanwiyekalo la, k'a sababu b'u ni fangaso cə sarati dagunni ye.

Məgə naani minnu y'u kədon an na baarabila sababu la, o ye Umaru SIBI ye ani Abudulayi TARAWELE ni Mənkoro JAKITE ni Madamu Bore Awa SIDIBE.

«AMAP» nəməgəso, ye laje mankannin do kε u ye, Mali kunnafonikow minisiri Madamu Asikofare Ulematu TANBURA ka nəməgoya kono, ka foli, tanuni ni walejumandon kε ka nəsin an balima kofolen ninnu ma, minnum'utətəfasojəbaara la san 30 ni ko kuntaala kono. «AMAP» kuntigi Gawusu DARABO y'ajir'a ka kərəfəkono ko : «dəli fara man di». A ko baarakənəgənya ye koba ye, hadamaden ka dijəlatige kono,

bawo i bə waati min kε i ka səriwusi la, it'o nəgən kε hali i sisokono, i musow n'i denw kərefe. Nka dan bə ko bəe la. A y'a jira taabagaw la, ko «AMAP» bəe b'u ka bila la sanga ni waati bəe. A ye dugawu k'u ye, ko Ala ka həre k'u ye, u ka dijəlatige tə kono.

Min ye Madamu Bore Awa SIDIBE ye, n'a bangera Buguni, san 1946, okutəburukalo tile 22, ale tilalen a ka



«KIBARU» la. A y'a ka baara kanu a ni dan na. Awa tun ye məgə laadiri ye, məgə tilennen, məgə kolonnen ani məgə timinandi, i bə meen k'a sərəima min nəgən ye baara sirala.

O de kəson, «KIBARU» nəməgəso b'a ka bonya ləsegin a ma ni tanuni ni walejumandon ye. Ala ka si jan ani kənəya d'a ma, a denninw ladonni konuman na.

Basiriki TURE

«ORTM» ka san laadala tōnsigi

San 1999, fewuruyekalo tile 18 arajomali «ORTM» ka laadala tōnsigi kera Mali kunnafonikow minisiri Madamu Asikofare Ulematu TANBURA ka nəməgoya kono. Ciakəda in ka musakaw bolodara


O siratige la, Telewison ni Arajo bəna lasoro dugu 12 fə, n'olu ye : Bafulabe ni Joyila ni Bananba ni Nara ni Jorō ni Tenenku ni Bankasi ni Guruma-Rarusi ni Ansongo ni Buremu ni Menaka ni Tesaliti ye.

Dugu 15 werew bəna far'o kan san

damado kono. Ma l i d e n w diyanyeko werew bəna k'u ye, n'o y'an bolofen caman jirali ye u lakodonni kama jabaranin na. Siniman ka di məgo minnu ye, filimu botawbəna caya olu ka nisondiya kama.

Telewison ni arajo baarakeminen caman bəna jini walasa ka jamana bəe labo.

Arajoso bəna lakanaya. Obaara kaba folo dara Mali minisiri jekulu kuntigi Ibarahima Bubakari KEYITA fə, san



k'a bən sefawari miliyari 2,7 ma, min cayara ni salon ta ye ni 7 ni ko ye, kəmə o kəmə kan.

«ORTM» ka baara nata nəniyalen caman ye kibaruya duman ye ka nəsin an balima togodalamogowma.

1992, fewuruyekalo tile 9.

Sinuwajamana bə k'an dəmə arajo kibarujensenso do joli la, min bəna ban hali a te meen.

N'an ye «ORTM» musaka jateminenenwlaje, a fanba bə talike a sigikun baaraw de kan, i'n'a fo : Kibaruya dili jama ma, jamana kobaw ani dije selek naani kunnafoniw jirali n'u filili fiye fe.

A jirala ko «ORTM» ye laseli dəw damine Kayi mara kono, minnu nogonna bəna ke jamana mara təw kono, K'a ta Sikaso la fo Kidali.

Min . ye jamana soro n'a hadamadenyakow ni sekow ni dənkow yiriwali ye, arajomali y'a jini ka jɔyɔrɔba di o walew ma; walasa ka malidenw bə Kunpan na faso ka kewalew bəe la, bəe lajelen k'i jɔyɔrɔ dən fasojo baara la.

«ORTM» bilasirali jekulu benn'a kan ka seriwusi soro lawere walasa baarakelaw ka bə a nunma. Minisiri Ulematu TANBURA y'a jira o yɔrɔla ko arajomali ka soro b'a sementiya k'a bə se ka baara nafama caman boloda kunnafonidi sira kan.

**Bande Musa SISOKO
Basiriki TURE**

kan, bawo a jatelen don dije yɔrɔbaw fe, minnu man kan ka ke ntomow ye.

Tōnsigilaw'y'u hakili jagabə Bawule sigibagaw ni kenyereye jekuluw ni Mali kɔɔrisene ciyakəda 'CMDT' ka kelenw kan Bawule mara kono, anikun min'yato sema ke Talikuru ni Kεjnebawule kungo sogomayɔrow ni Nafaji ni Bosofala ni Bawule jirituw ma. U ye lajini caman ke, i'n'a fo : dənsen kura donnī baarakela faamuyalenw ka ciyakədaw kono ani kɔɔsili jekuluw lakanayali k'a bən lakanani minisiriso senkan ma.

Sigiyorow lakanani minisiri cideni Makan Fili DABO ye layidu ta k'u bəna lajini kofolen minnu fəsəfəsə awirilikalo ni məkalo ce.

Bawule mara lakanani

San 1999, fewuruyekalo tile 23, laje də kera Bawule mara n'a kanfənw n'a danfənw ladonni kan Mali minisiriso la, min ka baara nəsinnen don togodaw yiriwali ni jiko ma.

Ciyakəda min ka walew ntuloma ye an sigiyorow lakanani ye (DNCN), dije jamana hɔrɔnyalenww ka tənba bolofara "PNUD" y'o cakeda dəmə Bawule dugukolo nagasilen labaarali la.

Tōnsigi in nəməgoya tun bə "DNCN" kuntigi Yaya Nuhun TANBURA bolo, k'a sankorota ni kenyereye jekuluw ni Mali dəməbaga yeleke werew ka cidenw y'a kənə kan.

Bawule bə Mali teilbinyanfan fe Kuluboro ni Kayi maraw ni nəgɔn ce. Surakaw ni fulaw nkunbenyɔrɔ don ani siya werew, n'olu ka baara ye sənə ye.

Kabini san 1982, utikalo la, dije jamana hɔrɔnyalenw ka tənba bolofara min nəsinnen don kalan ni seko ni dənko ma "UNESCO", o ye Bawule fara dije yɔrɔ kərenkərennen lakanataw kan. Yaya Nuhun TANBURA yere ka foli la, nafa min bə Bawule la Mali bolo, dɔɔnin te.

K'a ta san 1993 fo bi "PNUD" ni "UNESCO" bə ka Mali dəmə ni nafolo ye, walasa bəe k'i jeniyɔrɔ fin Bawule labaaralila, a sigibagaw fara fangaso

Ofisi laadala konenabō laje 8 nan

San 199, zanwiyekalo tile 24, Segu Ofisi y'a ka laadala konenabō tōnsigi 8 nan, ke ciyakēda kūntigiba yere ka nəməgoya kōnō n'o ye Nankoma KEYITA ye.

Tōnsiglaw ye san 1998 / 1999 baarakelenw fesefese, o kō ka san 1999/2000 baaraketaw boloda, k'u sinsin o musakaw nafoloko kan.

Min ye san 1998 / 1999 sannifeere jatebō ye, a jirala ko san 1998, desanburukalo tile 10 waati, Ofisi sumansenenenw bē faralen nōgōn kan, o hake kera tōni 320.000 ye, k'a sōrō san min dar'okan otatun ye tōni 283.000 ye. Min ye san 1996/1997 sannifeere ye, osumansorōlen hake kera tōni 250.000 ye.

A jirala ko senefforo minnu labenna, tōni 6 ni kilo 235 sōrōla olu taari kelen o kelen kan. Foro minnu ma laben, olu ka suman sōrōlenw hake tun bē tōni 3,5 fo ka se tōni 4 ma. Sumanw kēfē, caman bōra jitijeni na, bawo a tun bē san damado bō ji hake min tun bē labila forokēne taari kelen sōnni kama, otun bē metirkib 25.000 ni 32.000 cē. Nka ninan o hake dōgoyara ka ke metirkib 14.000 ni 20.000 cē.

Malosēnē kōfē, Ofisiye cikēforotaari 3094 laben nakofēnw seneñi kama ani ka taari 345 labila kabasēnē kama.

A jirala ko Ofisi ye baara nafama caman kē, i n'a fō Marakala babili lakurayali ani ERETALI 3 ni NDEBUGU ni BEWANI senefforow labenni Ofisi ni malosēnēnaw ka bolodinogōnma sababu la.

Malosēnēnaw ye taari 375 waga bō, ka tila ka taari 310 ta bō ani ka taari 400 kēne wagabōli tugu o la; o de kē'oluniyōrōye baaranafama ninnu na fōlō, sanni Ofisi ka nafolo sōrō u ye, baara kologirinw tiimeli la. A jirala ko cikēla dōw sera ka tōni 8 sōrō taari kelen kēne kan u ka foro


kuraw kōnō.

Min ye baara nataw bolodali fērēw ye san 1999 ni 2000 kōnō, Ofisi b'a fē ka dugukolo taari 61238 laben malosēnē siratige la ani nakofēnw seneñōrō taari 3750 ka fara kaba ta taari 735 ni pōmuteri ta 89 kan. U y'a naniya fana kabaganw latolōlibaaran.

ke ani ka kamanmafēn w lamara. An bē don min na, i ko bi, Ofisi malo nininen don kosebē Afiriki cemancēyanfan jamanaw kōnō. O dekoson, Malika kanka fērē suguya bēe dō tige malosēnē lawereli la an bara.

Basiriki TURE

Seku LI ka kiiri



San 1999, zanwiyekalo tile 25, tun ye Seku LI ka kiiritige don ye. I n'a fō Musa TARAWELE, Mali peresidan kōrō n'a nōkanmōgōw ta cogoya la, Seku Li jalakira k'a ye faso nafolo dun, k'a yuruguyurugu.

Kēne kan Mali awokaba Tijani DANBELE ye kuma ta, k'a jira bēe la, kojalaki min bē ka bin Seku Likan, k'o dafalen te, fīne caman b'a la.

O yōrō la, Mali awokaba ko a fōlō ye min ye, a jirala ko Seku LI ye nafolo min dun, o kasabi jōnjōn ma fō, o dōnnen te. A filanan, dugukolo fēn o fēn kofra k'o y'a ta ye, sēben lakikaw t'o si la; hali dugutigisēben minnu bē di togoda dōw la, o sēben jēnama t'a la; hali n'a dugukolow bōsira u tīgiw la, o kera kan min kan, mōgō si t'o nedōn.

Dugukolotigi 95 cēman, 10 dōron de sera ka lamēn nka kan jēnama fosi

t'olu da fōlō. Seku LI bolofēn w fana jatemiñsēben kōnōkow ye tōkaje ye. Nin bēe de kōsōnawoka Tijani DANBELE ko k'a ka kow laje ji nēmajōlen na; kunnafoniw ni pereperelatige minnub'a je, oluka nini k'a kow bēe dafa.

Tribinalimōgōw ye

sanga 30 nōgōnta, ka t'u hakilijagabo awokaba ka folenw ni jinitaw kan. Kiiritigēlaw jenna n'a ka folen ye, nka u y'a nini kunnafoninjini baara tōw bēe ka ke kiiritigela Musa Saba JALO nena.

O sēgesēgeli kadara kōnō, so min feerela a ma sefawari miliyon 110 ani dugukolo taari 79 min bōsir'a fē Kalaban Kōrōkaw la, Kalaban kōrō min ni Bamako cē ye kilometri 20 ye, ka fara a ka lēnpokow ni sōrōdasiw ka mōbili yuruguyurugulenwkan, nin bēe bēna fesefese.

Seku LI ka kiiriko in nēmōgoya tun bē Jajé Isa MAYIGA de bolo an'a dēmēbagaw Wafi UGADEYI ni Musa Sada JALO.

Nanse SAMAKE
Basiriki TURE

Joro kolan maloseñenaw jigi misenyalen don

K'a sababu
ke soro dogoya
kojugu ye, n'iye
Joro kolan dilan
tuma laje, k'a
sisannama laje,
ib'a sorouce ka
jan kosebe.



Basiru Kulibali

Folo-folo, Joro i tun be bore 60 soro taari kelen na, walima bore 50. O waati y'a soro kolan ma bona ka se sisan ta ma. A dugukolo fana tun ma koro. Binjugu fana tun t'a kono. Jisara fana tun ma can i kobi. Kolan bojana fo ka se taari baa 10000 ni ko ma. Nka, a dilalen te ka ne. Bawo Joro kolan kelen be daa-sigi-daa-dala ye, k'a damine Cen kolan na, ka n'a bila Soke kolan na, ani Joro dugu kolan, ani Badugu kolan, ninnu bëe de sigi-sigilen don nögön k'o ka taa, k'u bëe dabila nögön na N'a jidon daminena o ye diñe geleya bëe ye, i be taa a soro döw be kule ko : Ji ma u ka forow soro, döw be kule ko : Ji b'ala k'u ka malow tunun. Ni ye ji kelen ye ka tintinmayorow soro o y'a soro dingé kono malow be tununna ji fe. O ye geleyaaba do fana ye. O kofe binjugu fana cayara kolan kono, i n'a fo diga, ani buwani, olu kera sababu ye ka mögo caman ka foro miné u la. Bawo binjugu ninnu b'i ka malo bëe fiye k'a ban pewu.

Nin bëe ye soro nagasi Joro kolan kono. O kofe, jisara fana cayara

kojugu. Folo-folo taari kelenjisara tun ye kilo 50 ye, o tun y'a soro soro be ke malo la. Kolan kono sisan dun, soro ti ke taari kelen döw malo te ke. Bodá ma jira u la folo. Ji sara bilama be dalasi baa 3100 la, taari kelen na. Nijateminé koni ma ke k'a ko laje, ji nemajolen na, senekelaw degunna kosebe. O temennen k'o kolan be ka tije ka taa a fe. A dilanni kuma te fo.

O ye anw senekelaw kamana gan, nka, ne koni y'a don ni feere ma nini nin geleya ninnu, na ka bø Joro kolan kono, Joro kolan be bila pewu-pewu. O tumana an be wele bila jamana nemogow ma, ani an demebaga jamanaw ma, u k'an deme Joro kolan dilanni na, no te a senekelaw segenna, u toorola, bawo, fo senekela döw b'a la ka jen u ka forow ko, ka wuli k'a taa no seneyorow. O dun ye ko gelén ye, k'a sababu ke, dugukoloko geleya be fan bëe fe bi.

Ne koni b'a nini an ka jamana nemogow fe, u ka wuli ka feere nini nin ko in na, bawo, don o don an b'a men ko : Senekelaw ye jamana tulomaw ye, n'o kuma ye tije ye, senekelaw ka kunnadoni ka kan ka laje sa ! Senekelaw de kunnadoni ka girin bëe ta ye. Nijateminé ma ke, ka ntuloma ninnu laje ni bubaga te k'u sigilan nimi, walasa k'u falen, ga be bin de !

O tuma, Ala kana an ka ga bin !
Basiru Kulibali Joro Bamanan
Serikili Segu.

Mali koorisennaw ka geleya

Nin ye sëben ye ka bo Mali koorisennaw yoro Marakakungo mara la k'u ka geleya jira maliden kelen-kelen na. N'i ye jateminé ke koori songo la Mali kono, ka jateminé ke koori songo la an kerefe jamanaw la, i b'a ye ko danfaraba de be an ni tow ce. Mali koori songo ka dögoni tow ta ye.

O temenen ko, koori musakaw ka ca. Nögonda ka gelén posoni b'o cogo la. Posoni in fana te ntumu faga. An ka senekelaw misiw te koorikolo soro ka fere. Misi kelen bore kelen san kono. CMDT ni senekela ye höngó soro kooriko sababu la. Koori peselen be kalo naani ke ka soro a ma ce. A celen be kalo filia ke ka soro a warima di. An mago-bee be sa ka soro an ma warim soro.

San 1998 kera benbaliya san ye Marakakungo senekelaw ka sendika ton kono, min kera sababu ye ka senekelaw tila kulu filia ye. O soro la cogo di ? Senekelaw ka sendika ton koro ka waati dafalen, ton tun ka kan ka lakuraya. CMDT y'a ye ko ton körolen mögöw be ka balo senekelaw joli la. Walasa o ton koro mögö kana se ka ta tugun, CMDT donna senekela döw n'u hakili ce ni fën ye, min yan nini ton yere koro ko. O hukumu kono, jekulu min sigira ton biro kono, o ma ke ni cikelaw ka sigili ye. CMDT ka mögö sigilenw don. O biro sigilen in be se ka baara ke CMDT fe u yere kama.

An marakakungo cikelaw t'u fe. U kana an kunko foyifo an ni CMDT ce. Min ye senekelaw ni BNDA ce ye, o ka gelén bi kosebe. BNDA koro tun ye ko Mali senekelaw ka yiriwali waribon. Bi BNDA koro ye senekelaw tatiñe waribon.

Anw ka miiri la BNDA ka kan ka juru don cikelaw la, ka tononin d'a kan, ka tige u kun doonin- döonin fo ka taa a bëe sara. An y'a jateminé BNDA ka juru tono ka ca, a sarali kuntaala ka surun .

Amadu Sisoko senekela
Marakakungo dugu kono

Yiriwa ani Lafiya

Yiriwa ni lafiya ye fénw ye minnu ka di bëe ye; nka u soro ka gelén, Bawotaabolo caman b'ula, ni minnu ma dafa, u bë ke tokaje ye. N bë kuma jamana kuturu yere de kan, n'o y'an ka Maliba in ye.

N'ikoyiriwa, iko dunkafa dafalen; o bë na ni lafiya wale tòw bëe lajelen ye du kono, dugu kono, ani jamana kono. Faantanya te se ka kële cogo si la ka soro dunkafa ma dafa. Ni dunkafa dafara, wale caman wërew bë yen, minnu dulonnen don kalan, jago ani sira numanw fana de la jamana kono olu bë sabati : dugumisèn ni dugubaw ka kala nogon na, ka donni ni boli nogoya. Ni ciklaw demena ni faamuya numan ye, dunkafa bë soro jamana kono, n'Ala sonna.

Yiriwa wale tòw fana lataama bereba soro ka Malifé ka ban, n'o y'an ka kanw seli ye ka sëben, k'u kalan; wa u cekani fana, bawo u kera fén nafamabaw ye an ka togodaw la bi, walasa sene, baganmara, mònni, jiriforokow n'u nogonna caman kunkow ka nénabo. Wa demeniton caman fana jigidalen don an ka balikukalanden faamuyalenw kan, baaraw netaako numan na.

Ni jamana nemogow ye yéléma ta ka nesin an ka balikukan ma, ko caman bë nogoya joona, sanko an bë waati min na sisan, n'o ye demokarasiko tile ye, ale min taalan ye nefoli ye tuma bëe; mögow ka nogon faamu sigikafo kono; n'a ma ke ni diyagoya ni janfa ye.

Nka halibi, balikukan timiya n'a nafa caman tolen bë kofe k'a d'a kan a ma don da la.

An ka kanw bë kalan cikeduguw

de kono kosebe. Hali n'a y'a soro ko balikukan dabora, olu de kama, walasa k'u dëme, ni togodaw ni dugubaw kono mögow ma se ka nogon faamu kalan sira kan, a timiya bëe te soro. Otuma an ka nogon dëme, walasa an ka kanw ka taa ne. Wa né b'a fo balikukalandenw bëe lajelen ye, u k'a laje ka fén do fara u bolota kan.

N'iye bamananye, ni fulakan ka d'i ye, i k'o gafew nini k'olu kalan, ka se fulakan na. Fulaw fana bë ten; bawo kanw faamuyali nogoya ka ban.

Minnu bë kalan an fëyanbi, maliden ceman n'a musoman, minnu bë yan, ani minnu bë jamana kókan, a'y'an ka kanw dëme n'aw sekó n'aw dónko ye.

**Abudulu Kadiri Kulubali
Marena-Fuladugu-Kita.**

Mali musow

Maliba in jigi y'aw de ye, dijé jigi y'aw ye, A ka na bo an jigi koro.

Folo-folo, Mali muso tun ye furumuso numan ye; u tun b'u danbe lakana, u tun b'u furu cew bona, u majiginnen tun don u furucéw ye. U jennen tun don n'u cew ka ko bëe ye, bangeba labato koso ani furu bona kama (o de y'a to Sunjata, Sheki Umaru Tall ani mögotogötigicamanbora Mali in kono). Ala tun b'u son den barikamaw la. O denw tun bë u bangebaw bona, k'u koro bona ka here ke u ka dugu ye, k'u ka jamana nafa.

Nka bi, cebonamusso dogoya. O de y'a to wagabon, nson, dörögutala ani denmisen yéremabila cayara. Muso ka kan ka muju, ka sabalifuruso kono.

A kana pérén n'a ce bë kuma, la : a kera baro ye wo walima kèle do. Muso

ka kan k'a ce ka dumuniko kólosi, kongo kan'a töro, ka feere tige min b'a to a ce ka sunogobëenogoy'a bolo. Muso bo o bo, a ka bo ni ce ka yamaruya ye. A kana fén wajibya ce kan hali n'a se b'a ye; Sanko n'a dfselen don. Aka dugawu ke a ce ye a seli o seli.

Muso ka kan k'a ce dëme a ka nisondiya n'a ka nisongoya la, ni hakilisigi kumaw ye ani beeëbeëreli sabu ce jigi y'a muso de ye. Ce bo o bo, muso k'a bila sira ni dugawu ye. An baw, an balimamusow, duw mago b'aw la tan de, duguw mago b'aw la tan de, wa jamana yere mago b'aw la tan de ! Nka n'aw kundama ni cew ta kënené, baara bë tijé, sabu jeliw ko : Ce ni kulusi, muso ni kulusi, k'o fila te si ta wolo».

Ni muso min sera yéremajinna, ka sabablia ka furukono, Ala b'i son den barikamaw la, minnu bë mone sama ka bo ilà; k'i bo nogo la fo i ka sa. Wa n'i sara, Ala b'i don a ka alijiné kono. Nka, ni muso min ko a ni ce ka kan, ni ce ko kelen, a ko tan, ce bona fosi t'a yoro; i ka tige n na, e te fosi wolo dangaden kó, ani nson ani dörögutala. U te se k'a ne u yere ye, sanko e. Otumana, Mali musow ka sabali. An magob'ula k'u to musoya danbe de kono. Nka, n'u bora yen, u tenu fasilase an ma nbone nimasiba te. Anw ye farajew ka taabolow ta, olu dun ma fosi ta anw taw la. Anw danbe n'u danbe dun te kelen ye de!

**Amadu Gawusu Taraweile
Kibaru feerebagia Sukala
Siribala Nono**


Kameruni yoro dōw la, cikclaw yere de b'u ka sariya boli sojenikelaw kan

Senefen suguya bee be soje Kemeruni jamana cikeyorobee kono. Senefenw doren te soja. Senekeminew, baganw, magonefenw, fo ka se sokonominew, ani forobabaarakayorow ni kenyereye baarakayorow minenw ma. Sojeni min be ke Kameruni jamana kono, o te ke yoro si Afiriki kono. A ye jamana togo tige, k'a kono sigi goya. Sojeni doren te. Surofenko, nanbarako, ani natabaya ko bee b'a la. Fangaso yere ma se ka minecogo sor'a kow la. Mogosi te fosik'e mogoye gansan. Sojeni kera laada ye. N'a kera yoro o yoro, o te bala mogo la, a te mogo dabali ban. O cogo la, senefenw be soje forow kono, u be soje u lamarayorow la. Senefen min be soje kosebe, ka temen tow kan, o ye kafe ye. Ni sojenikelaw ye kafe hake fen o fen sor'o, u be sanbaga sor'o la yoronninkelen. Kafe ka dimogow yen i kakawo, wali loko, ani jiriden tow ye. A te gala. Wari be sor'a la. Ode nana ni kafesojeninaw cayali ye. U be kafe sorayorow bee don, k'a ta dugu kono, fo kungo kono. U b'a sojeni feerew bee fana don. Abseka fo k'a dow ta ye binkanni yere de ye. Ni olu balala mogomin na, walinimogomin y'a nini k'a b'u min, n'u y'a ye ko bocogo tu la, u be bin o tigi kan, a bolofen nofe. Ola, n'u ma joginni ke, u be fagali ke. Maramafen suguya bee b'u bolo. O kama, mogo kelen doren te farinya k'u nomine. A numan ye welebilali de ye kerefemogow ma. Bee b'o de ke. O n'a taa bee, jirifotigw ye yorokelosilaw ta baara la, ka maramafenw du ma, k'u bila u ka yorow la. Kabin'o kera, yorokelosilaw ni sojenikelaw ta kera noqonbeelen ye. O de be senna yoro bee la. O ye do bo sojeni na cogo o cogo, a ma dabila. A damine la, ni sojenikelaw tun minera, u be taa n'u ye polisi, wali zandarameri la. Dow

ka kiiri be tige, k'u don kasol la. Olu man ca. Minnu be bila tile damado doren kono, olu de ka ca. N'olu bilala, dow be t'u yere jira u minebagaw la, ka temen n'u sen fila ye. Olu be siran. U te fosi faamuya. O temennen ko, u y'a kolosi, ko ni minnu donna kasol la, a te meen olu fana be bila. U ye jatamine ke, ka n'a ye ko sojenikelaw ni polisiw, ni zandaramuw ani kiiritigelaw bolo be noqon bolo. U y'u bolo da o kise kan, ka n'a faamuya, koni sariya te jamana kono, n'olu yere m'u ka sariya sigi, sojenikelaw daga te b'u da la. U ko k'olu ka kiiri be tige sojeni kedon n'a keyoroyere de la; A be ke seere minnu ne na, olu b'a ko bee kalama. Okoson, a donyoro n'a b'eyoro te caya. Bilakasuma t'a la. A te meen senna. Uy'a jira kon'olu ye sojenikelaw fen o fen t'a tege ma, k'u ka sariya boli o kan, o y'o ka soneniko bannen ye. O te sojeni ke tugun, ka masor'a te b'a la. O koro ye ko n'u y'a dere, ka nangatan suguya bee d'a kan, n'a masa, a be ke iujuratoy'a ka dinelatige to bee kono. Nka, derelini nangatan minnu be da sojenikelaw kan, olu suguya ka ca. A bee te se ka dantige. Nka, a bee ka jugu. A kelen si te dabo numan kama. Bere be ke ka dow bugo, k'u ko, wali u bolow n'u senw bee kari. Kabakurun be ke ka dow kun ci. Dow kono be fara, fo k'u nugu bo. Dow ne fila bee be ci. Dow b'u taw da waga, k'u konobara fa ni esansi, wali petoroli, wali siman mugu noqoninen, wali buteliferen susulen ye. Mogosi te sor'o, k'a tigiw bo bolo la, kuma te ka taa n'u ye d'gotoroso la. Jamana nemogofar'a komogo kan, bee b'a kalama. N'a ma ke min nena, oy'a men. Nka, bee kelen be k'i ne tugun a kan. Oma ke gansan. Ni fanga ani sariya tigilamogow tun b'u ka baara k'a k'ecogo la, sojenikelaw fara jirifotigw kan, olu tun t'a temen a dama kan.

Ecen Tase
ani Amadu GANI Kante.

Pepe KALE ye dije to



Zayiri döñkilidakon dö, min togo yere ye Kabasele Yanpana. Wa BAMULANGAye, n'a döñnen don dije seleke naani bee la ni Pepe KALE ye, a y'a kanubagaw n'a lafasabagaw t'u kelen na, san 1998, nowanburukalo tile 28.

Pepe KALE sata bora dusukundimi de la min cunna a kan, k'a si to san 46 la. Pepe KALE tun y'a danma mogo ye min kundama tun ye metere 2,10 ye k'a girinya ke kilo 145 ye. A togo tun ye Zayiri kow n'a baw tige n'a ka folike jekulu ye, min tun be wele ko «BAKUBA». Olu de folo ye «sukusu döñsen» jenseñ dije kono.

Pepe KALE fatura k'a nege to Afirikiden na, minnu te nin a ko abada, bawo saya be mogo dun nk'a te se ka togo dun.

Ala ka Pepe KALE dayoro suma !

Kuna be ka segin ko

San 1999, zanwiyekalo tile 31, kuna ni bagi keleli san 46 nan gintaw kera Mali seleke naani bée la.

Faransika waraba min y'a disi da kuna dugali la Mali kono, n'o ye Arawulu FOLERO ye, otogolatonye ko bée ke, walasa k'an ka jamana bée lajelen hakili lada donba in kan. O be se ka faamu, bawo kabini Arawulu FOLERO ye kuna keleli k'a kundoni ye fo ka n'a bila bi la, bana in be ka nagasi don o don ka t'a fe, Mali kono. FOLERO ka cesiri n'a ka fonisereya Mali bagitow fan fe, oma dogo mogoo si la. San 1980 waatiw la, kunatow hake tun ye miliyon 12 ye dijne kono. San 1993 waatiw la, mogoo 2400 sata tun be bo kuna la; wa san o san kuna tun be mogoo 600.000 mine. O waati kelen na kunato miliyon 2 fo ka se miliyon 3 ma, olu desera baara la kolokoto. Nka, a jirala jatemine senfe san 1998, ko kunato sataw hake kera mogoo 115.000 dörönye; banabagato lakikaw hake jatemineria k'a ke mogoo 863.000 ye.

Bi, bi in na kuna be jamana 79 de kono, nk'a jirala ko Endujamana de kunatow ka ca ni yoro bée ta ye, fo ka se 62 ma keme o keme kan. Berezili ni Bangiladesi ni Birimani ni Nizeriya ni Sudan ni Gine ni Madagasikari mana fara Endujamana kan, olu jamanaw kunatow bée lajelen be ben dijne seleke naani kunatow tilako 100 sigiyoroma 92 ma.

Ala barika la, Mali ye noba bo kuna keleli la. Feere min bolodara bana in keleli kama, o jaabiw y'a jira san 1998, setanburukalo la, ko sisani kunato 1432 de lakodonnen don Mali la. O yoro la, Mali ye «OMS» jigi fa, n'o ye dijne jamana horonyalenw ka tonba bolofara ye, min ka walew nesinnen don kenya sabatili ma. Noriwei dogotoro do, HANSENI, o de ye kuna banakise lakadon, k'a jatemine san 1873. O de koso kuna banakise togo dalen don ale la. Nka halibi, kuna ye bana ye, min yoro dow dogolen don hadamadenw na, k'a ke i ko suyalako. O de sababu la, bolociji ma soro folo k'a kuben. Min koni jclen bée ma, kuna ye

faantan bana de ye, an ninakilito be se ka min yelema nögon fe. Abanakise be se ka don farikolo fana fe, nka o manca. Kuna ye fasabana ye, min taamashiyen folo ye jeman-jeman ye farikolo kan, n'a t'a tigilamogo dimi. Kuna banakisew be jensen fasasiraw de fe, fo ka na banabaato nedea n'a bolonkoniw bée kurukuru, k'a farikolo lafunun. Kuna suguya fila de be yen. Folos jensen den dijne kono, nk'ale yelema man di; w'a furake ka di. Min ye suguya filanan ye, o yelema ka teli

ninakili fe. Kuna suguya folo be se ka furake kalo 6 kono, k'a soro suguya filanan be furake san 2 jijalen de kono. Folos ni kuna tun ye mogoo min minse, otigilamogotun b'a sik'a furakeli la. Nka bi fura numan 3 soro la nininikelaw fe, minnu be fara nögon kan, ka kuna banakise faga folo, k'a bali a ka yelema kerefe mogow fe. O temenen ko, ni lajurato min y'a yere furakeli damine joona, o be kisi sen ni bolotige ma. A jirala ko kuna furakeli k'a ban pewu, o musaka te sefawari waa duuru bo.

I. FAMANTA
Basiriki TURE

Döröguko keleli

San 1999, fewuruyekalo tile 17, Mali minisiri jekulu jenna ni sariya do ye a ka laadala tonsigisenfe, min be tali ke dörögug segesegeli kan ani u be dilan ni fen minnu ye.

An be don min na, i ko bi, dörögug feereli ni lahwuta wari min be soro a la, fo a feerebagaw b'a nini k'a nafolo jeya, bawo kasa te warila, o kelen don subahanakoba de ye dijne seleke naani bée la, jamanaw bée be k'i kogo da min na, k'a kele cogoya sugu bée la.

Kabini san 1983, Mali ye sariya gelan ta dörögug feereli n'a tali nangili kadara kono. Ben ker'a kan ko k'a nangili kologirinya walasa a ka dabila pewu an ka jamana kono. Oyora, dörögug jatera anka fangaso fe i ko mogofagako. Ajirala ko ni mogoo min minera a baara la, o tigilamogo be jate mogofagala lakika ye.

Nka o n'a taa bée, Mali fara jamana werew kan, döröguko be ka sangawuli ka t'a fe. A kera jorenankoba ye bi.

A ma ne dijne jamana horonyalenw ka tonba «ONU» ye benkanseben saba laben dörögug keleli kama, Mali y'a boloncibila minnu na ka fara dijne tonba in ka feere bolodalen kan döröguko jatemineni n'a segesegeliko la dugukolo fan tan ni naani bée la.

«ONU» ka benkanw b'a jini jamanaw bée fe, u ka fu siri döröguko la sira bée kan, k'a damine a feereli la, ka temen a feerebagaw ka wari bosiili la ani k'a dilanfenw bée tijne ka n'a laban nijamanaw ka jekabaara ye dörögug labaarialaw ye jekulu ye, minnu bée da be filen kelen na ko jugu in na.

Ajirala fana ko döröguko bëna nejini sira bée kan, k'a kele, k'a damine dogotoro baaraw la fo ka se sira werew ma. Mali fangaso hakili b'a la ko sariya talen in bëna ke dörögug kelekemin kologirinye an ka jamana kono.

Basiriki TURE

«ALED» ye gafekalanyoro do sigi Dusujana


San 1999, fewuruyekalo tile 9, «ALED» n'o ye kenyereye jekulu ye Mali la, min ka baara jesinnen don kalan ni seko ni dønko ni ladamuni sinsinni ma Mali kono, o ka jekulu do taara gafemarayoro do dayele Dusujana arondisiman kono, min nemogoya tun be Madamu Kamara Malado FOFANA bolo.

Dusujana be Yanfolila ni Buguni ce. Kilo 213 de b'a ni Bamako ce. Gafemarayoro dayele gintanw sankorotara ni dugu mogoba caman yeli y'a kene kan, i n'a fo : Dugutigi ni Kubeda nemognonikalandensomogow ka jekulu kuntigi ni musow nemogow ka fara kamalenninw ni dugu npogotigi ka ciden yamaruyalenw kan.

Dunanw bisimilalen kubeda kuntigi fe, Malado FOFANA ye kuna ta ka «ALED» ka foli keréñkerénnen lase dusujanakawma, uka janiya numan sababu la, min y'u bila gafemarayoro ninini na. A ko kalan o kalan ni jiidilan t'a la, o ye tokaje ye, k'a masoro bamananw b'a fo ko hakili marayoro ye seben ye. Madamu Kamara Malado FOFANA n'a ka jekulu nana ni gafe minnu ye «ALED» ton togo la, o hake ye liburu 379 ye. Gafe ninnu sinsinnen don kalan suguya bee kan, min be se k'an ka donniya jidi, k'an bo dibi la. Gafe ninnu dafalan kera kunnafoniseben «KIBARU» ye, bawo balikukalanden jolenw ka ca Dusujana.

Malado k'a b'a nini dusujanakaw fe, u kana gafe ninnu ke soparilanw ye, barisa magoñelan nafamabaw don, lahawuta nafolo donna minnu na.

Taalen jes, Malado ni Dusujana kalandensomogow nemogó bee



benna kan kelen kan, n'o y'an balimamusow joyoro ye kalan na. O yoro la, a y'a jini cew fe, u k'u jija ka gafemarayoro sira don u furumusow koro, walasa u ka t'u hakili jagabo liburu nafama ninnu kan, minnu beee ka bila la, ce fara musow kan. A k'a ka korofo kono ko Dusujana ka Lasana Sidibe fo, k'a waleñumandon, bawo ale de ye san 3 jijalen ke taakasegin na Dusujana ni Bamako ce, walasa u ka se ka nin bataki numanw sor, minnu nafa te se ka fo a dan na.

«ALED» ka ciden yamaruyalenw y'a jira dusujanakaw la ko ka «She' bila sansaran kono, o be shetigi ma; nka i ku sin yan, o be she yere ma».

Koro min b'ola, ni «ALED» y'a don don min na ko Dusujana be k'a jeniyoro fin kalan na, a bëna deme werew lase

dugumogow ma, i n'a fo kuran donni u ka kalanso kono.

Wasulu mara duguw ka ca, nka Dusujana ye garisegé min sor bi, o ka døgø Wasulu kono. Ni kalan dira mogoo mogoma, oyefen beedilen ye ima. Nikalan ma se ka baara dimogø min ma, a na se koni k'o tigilamogø deme a yereñenaboli walew la. Lakolikaramogow ma to ko «ALED» gafeko in na. Dusujana lakolikaramogokuntigi Kariba JAKITE y'a jira ko nin wale y'olu naalon ta. Oluta ye, i n'a fo : «N'i ko nagarito ma a ka tasuma fiye, a daji b'a faga». Kalankeminenko min tun b'olu la ni «ALED» nan'o degun b'olu kan, olu te se ka foyi fo o nisondiya fe. «ALED ka Dusujana taama kuncera ni kalanso lajeli ye ani dugu npogotigi saramaw ka «didadidon» ye, n'o ye Wasulu yereñewolo don ye.

Basiriki TURE

Bafulabekaw ka batige nogoyara

Bafulabe n'a kubeda naani mogow ka batigeko hamí nogoyara k'o sababu bo batonin kura soroli la u fe.

U tun be segen ni toroko-toroko min na Bafin ni Bakoyi ce baki kolon min kono, o lajora ka kura d'u ma u ka lafiya kadara kono.

Batonin kura min dira bafulabekaw ma, a girinya ye toni 60 nogon ye. A babenna Mali batondilan izini na, min sigilen don Kulukoro.

Nin tun y'a kalo 4 nogonna ye, batonin koro moteri tinenen don. A desera baara la fo ka bafulabekaw bila majumanko suguya bee la bakofela soroli la.

Basiriki TURE

Samatasegedenninw porokotora

San 1999, fewuryekalo tile 20, Mali samatasegedenninw ye Maroku jamana warabadenninw kunben Afiriki denmisenw ka «KUPUDAFIRIKI» kadara kono.

Ntola intunyetaakasegin ye. Kunben folo min kera Maroku jamana kan, Mali funankeninw y'u wasa don Maroku funankeninw na ni bi 2 ni 0 ye.

Tanko filanan ma tulu tige, bawo malidew tun hakili b'a la cogo min na ko Maroku melekeninw tun ka magan, u tun ka di, a ma k'o ye. A kera bamana nwka nsana ye ko : «Ni cew ma n'gouf kunben sebaga te d'on».

Maroku warabadenninw konkennen nana Mali la, k'a bilen samatasegedenninw da la, k'an ka celu kona je sanga 14 ni 17 ni 21 ni 37 nan na, Ala n'u teliya kojugu, bawo u tun k'orotolen don ka Mali ka bi 2 donnen bojoona.

Mali samatasegedenninw ye bi 1 soro Mamadu JAWARA sababu la kabini balontan sanga 8 nan, a ker'u kono k'o y'u tilalen ye. Kunben to tolen sanga 15 n'gonna ye, Kodiware arabitiri min tun be ka file fiye, o ye penaliti kelen di Marokukaw ma, Tijani MUNURI ye min don, ka ntola ke filaninbin ye : 1 ni 1.

Komi kunben fila bee bi donnen de jate be mine, a kera i n'a fo Mali ye Maroku gosi bi 3 ni 1.

Funankeninw ka janaminiawka kunben in bena kunc Lagine. Samatasegedenninw bena y'o kene

kan, nka u labenbaga, n'o ye Faneri JARA ye, o y'a jira ko ni Mali b'a fe ka taa y'co jan Lagine kunbenw senfe fo

fem caman ka laje ji n'majolen na, an ka denmisenw bilasirali kadara kono.

Basiriki TURE

ORONALIDO KAKOBE KAMOGCWCNCMFI

Hakililajigin na, san 1998, zuluyekalo la Faransi jamana ye dije ntolatanna nana donnenba woc, iscc, ka «KUPUDIMONDI» ta ka b'u ne kan, n'o ye Berezili jamana janaw ye.

O kunben senfe Faransi faaba kono, n'o ye Pari ye, dakabanan ko do ye Berezili jigi goc o ye ORONALIDO ye. Funankenin in san 22 jatelen don dije tonkun naani balontannabaw fe. Berezili ni Faransi ka cebu don kirikirimashiyen cd cunna ORONALIDO kan kunben masuruya la fo a jirala k'a tene se ka ye janaminijanaw ka kene kan. A y'i nigisinagasa fo ka ye Berezili ekipu cema nana fila bendon. Ala la, ORONALIDO ye Berezili mogow dafa, n'o te nafa foyi ma y'a la.

A jirala ko kabini o donba in fo bi ORONALIDO ma se ka ke a yere ye. Mogow yere be ka jore min na, ni nin te ORONALIDO ka ko bannen ye.

Kabini a seginna Itali jamana kan a ka ekipu k'ro la, n'o ye Enteri de Milan ye a senkuruw te ka son. U be k'a dim cogoya sugu bee la. kalo saba kono ORONALIDO sera ka ye cebu kene kansine seegin doron; w'a kabidonne ma teme 4 kan. N'an dun y'a laje, Enteri de Milan y'a san Bariselonie ekipu fe san 1996-1997 waati faransiari miliyon 180 de la, k'a kalosara ke faransiari miliyon 23 ye, k'a balontan senw kunmabo ni faransiari miliyon 136 ye. Ninbee de koso ORONALIDO yere jorelen don fo k'a damatem.

Basiriki TURE

TULON

Nin desen fila dilanbaga y'a dab'a kama, ka fili 10. k'u la. A'yolu nini.



fe. 8 - Ja. min be den kandbara kan. 9 - Den numan bolio. 10 - Kitati kafe peshi. fe. 5 - Jiribulu min be jiribolo kan. 6 - Jugu min be simisi (dujok) numafe bolio la. 7 - Pine min be kinin fe. 2 - Samara jukrjala. 3 - Buwatinin ja. 4 - Kartdin dayelelen kinin fe. 1 - Jugu min be kiliti la.

jaabi

Kori TAYIZONI ka komase a dan na

San 1998, zawlyekalo tile 16, Mayiki TAYIZONI seginna korofili banbali kan, nka a ma se k'a kanubagaw n'a lafasabagaw nekoro.

Nin don, Lasi Wegasi korofili kene tun falen don i ko dakono jin. A tun sankorotalen don ni mogodonnenba dowie, in'a fo: Korofilila Mohamed ALI ni basiketikela Maziki JONSCHONI ni cinema mogodonnenba fila, n'o ye ARAKELI WELISHI ni Pamela ANDERSONI ye.


Mayiki TAYIZONI ni Afiriki woroduguyanfan nturajeman Faransuwa BOTA de tun be nogon na. A jirala ko TAYIZONI ye doonin ke, bawo u tun y'a ka korofili yamaruyasaben boosi a la, kalo 19 kuntaala kono, k'o sababu bo a ka baganya wale do la, n'o ye a korofili nogon do Ewanderi OLIFILIDI kinni ye a tulo la, bawo o y'a degun kosebe kele do senfe.

Nka MAYIKI TAYIZONI n'a san 32 ni kilo 101 girinya n'a kundama metiri 1,81 n'a taa be, tonin b'a la, bawo a ye Faransuwa BOTA kerun korofili banbali kan, koro wuliko duurunan waati. Mogofaamuyalenw y'a jira ko TAYIZONI sera BOTA la, nka a te a cogo koro la.

A ka bolokuru koni ka jugu n'a y'i soro, nka to'ta la. U ko sisani a be siran, a b'a yere makaran kojugu, i b'a fo korofili nege te mogo min na bilen,

Basiriki TURE.

Korofili jigi beres te Mayiki TAYIZONI na



Faransuwa BOTA

Mayiki TAYIZONI

San 1998, utikalo tile 31, dije korofili jana koro donnenba min ye Mayiki TAYIZONI ye, n'a si hake ye san 32 ye, a bolo sera mobilobilila fila ma, kasaara do kadara kono, a muso ka mobili tijena min senfe. A jirala k'a tun be se ka bila kasolada san 20 kuntaala nogon kono. Ben kera ko la, teriya sira kan, min ye Mayiki TAYIZONI bila sefawari miliyon 3 alimani sarali la ani san fila kasolada, nka a ninina a ka san kelen doron ke dibi la. O yoro la, a be Mongomeri kasobon min na lamerikenjamana kan, o kuntigi Kileri KIRIBI y'a jira k'olu ka sariya la, ni mogod bilala kalo 12 kasolada, kalo 6 sani o tigilamogo biladon ce, a be se k'a jini k'a labokasobon na, walasa ka taa baara ke dugu kono. Kileri KIRIBI ko komi Mayiki TAYIZONI ye korofilila ye, u be se k'a deme a ka baara la, n'a ye jogo numan jira kasobon nemogow la.

Ni korofili kumben nege b'a la, a be yamaruya nini kiiritigela fe ka taa baara ke. Nka be bolokuru kumben fen o fen ke, a be nafolo kasabi min soro o la, a b'o tilako 100 sigiyoroma 20 di kasobon baarada ma, a ka siyoko ni baloko kunkoro.

A ka kiiritige waati, Mayiki TAYIZONI surunnadonbagaw y'a jira ko dolariwari miliyon yirikajurub'a la, lenpow ni wusuru werew be minnu na, k'o de koson a wajibiyalen don ka yelen korofili banbali kan siye 3 wali siye 4, walasa k'o jiruw bo a kan na.

A jirala, tuguni ko TAYIZONI dan te yeslaben ni korofili ye k'a tokasobon na, bawo mogod t'a don n'a ka korofili

yamaruyasaben tena boosi a la, k'a masoro korofili kone naboo jekulu nemogow tun y'a jira ko nangili min dar'a kan, a kelen ka. Ewanderi HOLIFILIDI kin a tulo la, ni kasoladon ko were y'a soro, k'u b'a sen bo bolokuruko la

pewu, k'a ka yamaruyasaben fara. Nk'o kangarimada tun ker'a ye Newada mogow de fe.

Sisan, Indiyana kiiritigeso de ka kan k'a hakilina n'a fela di a nangili kokura in kan. Hakililajigin na, Mayiki TAYIZONI tun bilala san 10 kasolada, bawo a binna npogotiginin do kan san 1992; a joko ye kasobon nemogow diya min ke, a ma meen, olu y'a labila san 1995 Indiyana mara kelen in kono; nka u tun y'a jira a la, ko ni tege dara a kan tuguni kojugu were la, k'a be segin waati to kan kasolada, a ma min laban.

Mayiki TAYIZONI min ye Faransuwa BOTA bila «K.O» la san 1999, zanwiyekalo tile 16, n'a tun be k'i laben kanadaka Donowon ARAZORI kama, awirilikalo nata tile 24, a m'a yere soro folo a ka karatoyakow bolo.

Basiriki TURE

"AMAP" kuntigi Gawusu DARABO Mali kanw kunnafonisaben baarada kuntigi Danze Samake Kibaru
BP : 24 Telefoni: 21-21-04 Kibaru Bugufiye Bozola Bamako - Mali Dilanbagaw ni sebenbagaw kuntigi Basiriki Ture Sebenbagaw kuntigi Badama Dukure Labugunyoro: Kibaru gafedilan baarada Bolen Hake 16 000